



## SAKSPAPIR

Saksnr	Utval	Type	Dato
31/2022	Kommunestyret	PS	29.03.2022
49/2022	Kommunestyret	PS	10.05.2022

Sakshandsamar	Arkiv	ArkivsakID
Lin Tove Thomassen	FE-033, TI-&29	22/166

### INTERPELLASJON - MAKSPRIS PÅ STRAUM

#### Kommunestyret - Sak 31/2022

##### **KOM - Behandling:**

Av omsyn til klokkeslett og resterande saker i møtet samtykka kommunestyret til at interpellasjonar vert utsett til kommunestyremøtet 10. mai.

##### **KOM - Tilråding/Vedtak:**

Saka vart utsett.

#### Kommunestyret - Sak 49/2022

##### **KOM - Behandling:**

Interpellanten la fram saka.

Han la i tillegg fram følgjande forslag til vedtak:

1. Vaksdal kommune støttar LVK sitt krav om auka straumstøtte for sluttbrukarmarknaden på prisar over 45 øre/kWh, som eit mellombels strakstiltak, og som skal gjelde for alle forbrukarar, husholdningar og næringsliv.

2. Vaksdal kommune som vertskommune for vasskraft ber om at regjeringa prioriterer å få på plass reguleringar i høve eksport og magasinfalling, som på lengre sikt skal hindre den energisituasjonen Noreg er i idag

##### **Ordførar gav slikt svar:**

Vinteren 2021/2022 har me opplevd straumprisar som har vore ekstreme i norsk samanheng.

Regjeringa var raskt ute med kompensasjon til hushaldningar. Denne ordninga er god, og famnar alle. Utfordringa er todelt. Me må på sikt bli meir energismarte i dette landet. Samstundes lever me i eit kaldt land og situasjonen er utfordrande for dei av oss som ikkje har marginar til desse tusenlappane ekstra i privatøkonomien sin.

Delar av næringslivet opplever også store utfordringar no. Særleg små og mellomstore bedrifter med små marginar melder om at det er hardt å stå i denne økonomiske situasjonen over tid.

Verdsomspennande pandemi og krig i Europa. Dette er situasjonar som har påverka økonomien vår sterkt, og som vil halde fram med å gjere det. Dei langsiktige løysingane på straumpriskrisa må koma på plass, og her veit me mellom anna at finansministeren ser på mogelegheit for fastprisavtalar på straum. Ein vil sjå om ein saman med straumselskapa kan etablere ordningar som gir større forutsigbarhet og hindrar pristoppene for norske forbrukarar. På lang sikt er det viktig å innrette eit godt system, slik at ein ikkje til ei kvar tid er avhengig av subsidiar. Dette systemet er nytt, og det tar tid å etablere (VG 17.2). Tid små bedrifter gjerne ikkje har.

Som ein kan lese av møttereferatet som interpellanten viser til, deltok også ordførarar frå Arbeiderpartiet; Roald Aga Haug, Jon Rolf Næss og Senterpartiet; Saxe Frøshaug i møtet med Olje- og energiministeren saman med LVK. Det er viktig å formidle kunnskap frå ulike delar av landet inn til regjeringa. Eg har også løfta straumprisutfordringa til partiet sentralt gjennom mine kanalar.

Eg støttar LVK sine vurderingar, og er med på å be om ei midlertidig krisehjelp i påvente av meir langsiktige løysingar. Eg vil derfor gje støtte til interpellanten sitt justerte framlegg til vedtak, og eg håpar Vaksdal kommunestyre vil samle seg om å sende eit signal til regjeringa.

Kommunestyret drøfta saka.

Kjartan Haugsnes, SV sitt framlegg til vedtak vart vedteke med 15 stemmer (SV,Sp,H, Frp, Krf) mot 6 stemmer (Ap).

### **KOM - Tilråding/Vedtak:**

1. Vaksdal kommune støttar LVK sitt krav om auka straumstøtte for sluttbrukarmarknaden på prisar over 45 øre/kWh, som eit mellombels strakstiltak, og som skal gjelde for alle forbrukararar, husholdningar og næringsliv.

2. Vaksdal kommune som vertskommune for vasskraft ber om at regjeringa prioriterer å få på plass reguleringar i høve eksport og magasinufylling, som på lengre sikt skal hindre den energisituasjonen Noreg er i idag

### **Saksopplysningar:**

**Frå Kjartan Haugsnes, SV ligg det føre slik interpellasjon:**

## **Makspris på 45 øre kwh må på plass no!**

I slutten av januar kom Landssammenslutninga av vasskraftkommunar (LVK) i møte med olje og energiministeren med krav om makspris på straum til industri og norske husstander. Straumkrisa rårkar hardt og ho rårkar alle.

LVK er ein medlemsorganisasjon som og Vaksdal kommune er medlem av og som sidan 1977 aktivt har arbeidd for interessene til vasskraftkommunane i Noreg. Dette er det mellom dei fremste kompetansetiljøa i Noreg på energi og energipolitikk.

LVK har mellom anna sett fram slike krav:

- Makspris på 45 øre kwh i sluttbrukarmarknaden.
- Maksprisen inkluderar ikkje offentleg skatt og avgift, dette kjem i tillegg

Heile notatet kan lesast her:

<https://lvk.no/artikler/makspris-pa-strom-som-midlertidig-strakstiltak>

### **Spørsmål til ordførar:**

Vil ordførar gje sin støtte til krav frå LVK om makspris på straum?

### **Forslag til vedtak:**

Vaksdal kommunestyre støttar LVK sitt krav om makspris på straum på 45 øre/kwh og gjer dette kravet kjent for regjeringa.